



Inatsisartunut ilaasortaq Mariane Paviasen, Inuit Ataqtigiit
/Uani

§ 37 naapertorlugu apeqquteqaammut nr. 2020/214 Espoo-mut tunngasumut akissut

Asasara Mariane Paviasen

Inatsisartut suleriaasianni § 37 najoqqutaralugu Naalakkersuisunut
apeqquteqarsimavutit uanilu ataani akineqarput.

Akissuteqaatinut Aatsitassanik Suliassaqarfinnut Avatangiisinut
Aqutsisoqarfimmit ilanngussisoqarpoq.

Allakkap ullua: 12-01-2021
Suliap normua: 2021-760

P.O. box 930
3900 Nuuk
Oqarasuaat: (+299) 34 68 00

E-mail: asn@nanoq.gl
www.naalakkersuisut.gl

1. **Kalaallit Nunaanni Espoo-mut attavigineqarsinnaasumik aalajangersimasumik nassaasaqarpa, taamaattoqarsimappat attavittut immikkuullarissusai suuppat?**

Akissut: Kalaallit Nunaata Naalagaaffeqatigiinneq aqqutigalugu Espoo-mi
nunani tamalaani isumaqatigiissut 1997-imi ilaaffigilerlugu akueraa.
Danmarkimi Avatangiisinut Aqutsisoqarfik Naalagaaffeqatigiinnermi
nunanut tamaginnut Espoo-mut attaveqaataavoq. Espoo-mut
attaveqaammit imaluunniit attaveqaammut saaffiginnissutit Kalaallit
Nunaanni pissutsinut tunngassuteqartut Ilisimatusarnermut
Avatangiisinullu Naalakkersuisoqarfik aqqutigalugu
ingerlanneqarsinnaapput.

2. **Attavigineqarsinnaasumik aalajangersimasumik peqanngippat, taava Naalakkersuisut eqqarsaasersorpat pilersitsissallutik?**

Akissut: Takuuk apeqqummut 1-imut akissut.

3. **Naalakkersuisut qasseriartutik Espoo-konventionip isumaqatigiissutaa atornikuuaa nunallu sanilerisat nalunaarfigalugit aatsitassarsiornermi angisuunut uuliamillu- gassimillu piianermut atatillugu?**

Akissut: Dundas Titaniumip 2020-imi Moriusap eqqaani
aatsitassarsiorfissaanut atatillugu ASN-imik suliaqarnerup ingerlanerani
ataasiarluni.

4. **Siunissami Naalackersuisut eqqarsaasorsorpat Espoo-konventionimut isumaqatigiissut atussallugu nunallu sanilerisat nalunaarfigalugit aatsitassarsiornerne angisuunut uuliamillugassimillu piianermut atatillugu?**

Akissut: Naalackersuisut nunani tamalaani isumaqatigiissut naapertorlugu pisussaaffeqarput aammalu ingerlatassat "nunat killeqarfii qaangerlugit malunnaatilimmik ajoqusiisumik sunniuteqarsinnaasutut ilimagineqartariaqartillugit", takuuk Espoo-mi nunani tamalaani isumaqatigiissummi artikel 3, imm. 1, nunat saniliusut kalluarneqartussat nalunaaruteqarfigissallugit.

5. **Nunat sanilerisat nalunaarfigineqarpat VVM-tusarniaanermut aallartisartumut nutaamut atatillugu Kuannersuit/Kvanefjeld pillugu aperalugillu, tusarniaanermut peqataarusunnert? Taamaattoqarpat nunat sanilerisat kikkut pineqarpat?**

Akissut: ASN-mut nassuiaammut missingiut tunngavigalugu Kuannersuarni suliassamit avatangiisinut sunniinernik "nunat killeqarfii qaangerlugit malunnaatilimmik ajoqusiisumik sunniuteqarsinnaasutut ilimagineqartariaqartunik", takuuk Espoo-mi nunani tamalaani isumaqatigiissummi artikel 3 imm. 1, suussusersiisoqanngilaq. Taamaattumik nunat saniliusut ASN-p tusarniaassutigineqarnera qanittumi aallartinneqartoq pillugu nalunaaruteqarfigineqanngillat.

6. **Nunat sanilerisat nalunaarfigineqarsimannikkunik VVM-tusarniaanermut nutaamut Kuannersuit/Kvanefjeld pillugu aperineqarlutillu, tusarniaanermut peqataarusunnert, Naalackersuisut pilersaarutigivaat nunat sanilerisat nalunaaruteqarfigissanerlugit aperalugillu peqataarusunnert? Tamanna aamma Den Europæiske Unions institutiuninut atuuppa (ass. EU-kommissioni aamma EU-parlamenti)?**

Akissut: Maannakkorpiaq nunat allat nalunaaruteqarfiginissaat pilersaarutigineqanngilaq, tassami nunat killeqarfii qaangerlugit avatangiisinik malunnaatilimmik ajoqusiisumik sunniinissaq, takuuk Espoo-mi nunani tamalaani isumaqatigiissummi artikel 3 imm. 1, naatsorsuutigineqanngimmat. Aammattaaq takuuk apeqqummut 5-imut akissut.

7. **Nunat sanilerisat pineqartut akuutinneqassappat inuiaat kalaallit peqataanerattuut sivisutigisumik, naak ima isumaqaraluartoq, tusarniaanermut killigitinneqartoq sivittorneqassammat?**

Akissut: Takuuk apeqqummut 5-imut aamma 6-imut akissutit.

8. **Naalagaaffeqatigiinnermi ilaasortaasut – Savalimiormiut Qallunaat Nunaallu - immikkut Naalakkersuisut isigivaat immikkut inissisimaneranit taamaattumillu nalunaarfigalugit aperalugillu, tusarniaanermut peqataarusunnersut, Espoo-konventionimut maleruaqqusat apeqqutaatinnagit?**

Akissut: Naalagaaffeqatigiinnermi ilaasortat allat tusarniaanermut atatillugu immikkut ittumik inissisimalinngillat, kisianni allatuulli tusarniaanermut peqataasinnaallutik.

9. **Tusarniaanermut periusissiamut avatangiisumut suliniaqatigiiffiit soqutiginnittullu allat nunarsuarmit tamaniit peqataatinneqassappat Espoo-konventioni isumaqatigiisummut maleruaqqusat apeqqutaatinnagit aamma tusarniaanermi akissutaat tusarniaanermi nittartagaanut avammut saqqummiullugit? Taamaassappat, tusarniaanermi akissutit Naalakkersuisuniit assigiimmik ilanngunneqassapput tusarniaanerit akissutaat allat assigalugit?**

Akissut: Espoo-mi nunani tamalaani isumaqatigiisummi maleruagassat apeqqutaatinnagit avatangiisinut suliniaqatigiiffiit allallu soqutiginnittut tusarniaanermi peqataasinnaapput aammalu tusarniaanermut akissuteqaatit Aatsitassanut ikummatissanullu inatsimmi aalajangersakkat naapertorlugit Naalakkersuisut nittartagaanni tamanut saqqummersinneqassapput. Tusarniaanermut akissuteqaatit tiguneqartut tamarmik suliassap sularineqarnerata ingerlaqqinnerani isiginiarneqassapput.

Inussiarnersumik inuulluaqqusillunga



Jens-Frederik Nielsen